



Inungnun Tuhaqtitauyukhaq

Hitamat maliktakhat niqiliqinikkut qayangnaittumik

Aullaqtirvia Ublua: **Tattiarnaqhilarvia 5, 2018**
Nutqarvikhaq Ublua: **Tattiarnaqhilarvia 8, 2018**
Nunavunmi tamainni

75 sec

Uvani Quyahukvikkut havaknainnirmi, Aanniaqtailinikkut Havakviat puiguktaitquiyut tamainik inungnik niqikhaliurnikkut huungirnaitkutikhanik uvani Quyahungnirmi havaknainnirmi.

Hamma hitamauyut ayungnairutikharnik hanaqiyaanganik niqinik ihuaqtumik:

- **Uarniq:**
 - Uaklugit algakkit unnavyaktumut irmiuhirhimayumun imarmut niqiliqitinnatit.
 - Uaqtiqlugillu halummaqtirlugillu avguivigiyatit ikpatigiyatillu haviillu.
 - Tamaita ahiat nauhimayullu uaqtayukhauyut avguktinnagit nirhiuqtinnagillu.
- **Ilikkuuqtitlugit:**
 - Uuhimaittut niqit, tingmiat, tariurmuitat niqit imaqttaillu ilikkuuqtitlugit.
 - Iliuraruiqlugu uuhimayut niqit uakhimaittumut akkiutamut.
 - Atuqlutin allani avguivikharnik alligarnik, atauhirmik nauhimayunik niqivalungnik , atauhirtauq niqainarnik, tingmianik tariumilu niqivalungnik.
- **Iganiq:**
 - Igalugit niqivaluit igluangit uquninganik taima aanniarnaqtun niqini piiganganik:
 - Beefnik, Porknik, Lambniklu: 71°C (160°F) uqutilaanganik igavit
 - Chickennik Turkeylu: 85°C (185°F) uqutilaanganik igavit
 - Iqalut Uviliqaqtunik iqaluitlu: 74°C (165°F) uqutilaanganik igavit
 - Ilakuit Casserolengitlu: 74°C (165°F) uqutilaanganik igavit
 - Tingmiat, mannilgit alliuyat, casserolengit ilakuitlu igayukhauyut innakhivaataulutiklu aanniarutikhangit pigianganik.
 - Uutpiarlugit hambukat niqit (ground meat) iptirutait imarighitirlugit.
 - Avuutikhat, suuliuqhimayut, gravy-lu purriktitlugit uunnaghiffaalirupkit.



Inungnun Tuhaqtitauyukhaq

- **Niglaumapkarluginit:**

- Ikhinaqtailugit niqivaluit igluam unaqutaangani aanniarutiqarnaqitumik niqiffingni amigairyumirnaitumik.
- Ililugit niqit hunngiktaaktut tutquqpaklugit niglaumavikmun qiqittivikmulluunnit qilamik niviruiruvit.
- Mahaktitilugit niglaumaviqarvingmi taima 4°C-mi, uvani luuniit niglaumayumik aulayunik imarnik (mahaktitiyaangat talvani niglauminirvingmi pigiaqtinliaqtun malrungnik ubluanganik mahagianganik tamaat, taima hanaqiyaaanganik upalungaikhimayukhat). Mahakhiihuiqlutit tahamaniinnaq.
- Niglaumavikmungarlugit qiqittiivikmunluunniit huungiktaaktut niqit uuhimayariiqhimayulluunniit niqit (imaatut aquiqtuqhimayut niriyaungittulluunniit niqit) iluani malruukni ikaarnirni.

Aallanik ilitturipkaidjutkhanik, uqaqatigilugu [avikturvingmi avatiliqijikkut aanniaqtalinikkut havakti](#).

###

Tuhaqtipkaiyut uqaqatigilugu:

Gavin Sutton

Tuhaqtipkainirmut Ayuittiaqhimayuq

Aanniaqtalinirmut Havagvik

867-975-5949

gsutton@gov.nu.ca